

Бәрсн диилврән батлхмн



Д. АНДРАЕВ.

Каспийск района кўцагч комитетин ахлач



Загъс аньилгъна хаврин болзг тѳгсәд, цуг загъсчир тенъгсәс гарч ирв. Одр сѳѳг йилгъл уга, кўцц амрл уга, халуиднь халад, кийтиднь даарад. шундж кѳдлсн ѳдрмўд ард ўлдв.

Тингдж шундж кѳдлдг учрта бәәсми. юнъгад гихлә. Кѳк тенъгсин тууджд уга гидж келмәр, эн джил загъси йир элвг болв. Тегәд, загъсчир эн ик эв-аргъинг кевтнь олзлхар шунад, социалистическ дѳрлдәг ѳргәр делгрўләд, колхоз колхозла, бригад бригадла, звено звенола, загъсч загъсчла дѳрлддж, зурагъан болзгаснь ѳмн кўцәхәр гўджрсмн.

Эн гўджрлт мѳсн унхин ѳмн экл-лә. Тегәд чигн загъс аньилгъна хаврин болзг эклгънлә, ясад бел кечкен 43 ставной шўўгўл, 93 реюшк, тенъгсин 153 бударк, 1 мото-бот боли диглгден 694 загъсчир де-гц тенъгсўр орв. Эдн дунд 30 гар коммунистир боли 137 комсомоль-цир батлгдв.

Майин нег шиниг уктдж соци-алистическ дѳрлдән ѳргәр делгрв. Эн дѳрлдәнә эк татачнь болдж «Каспиец» колхозин реюшечн бри-гадин бригадир, негдгч квартилин зураг 355 процент кўцәсн ўр М. В. Васильев цуг загъсчирур дуудвр кев. Дуудвртинь болхла, майин нег шин кўртл джилин тўрўн ѳрәлин зураг кўцәгъәд, июнин неги кўртл реюшк болгънд зурагъасн даву 200 пуд загъс бәрдж. ори-нутгтан ору-лдж ѳгкми гидж келгдсиг нуг загъ-

счир дѳнъив. Эн дѳрлдәнә йовуд арвн хонгт нег гардг бюллетенд барлгддг билә.

Апрелин чилгчәр, мә икәр йовхд, ставной шўўгўл болгънд 5-6 хода-дин зер-зев ѳгтдсмн, тенъгсин бу-даркәд йовдг загъсчир гѳлмәр элв-гәр теткдсмн.

Анъисн загъсиг загъсчирас тенъ-гст авч. эд-бод кех газрур кўргл-гънд консерви комбинатин цуг флот орлцв. Тегәд, майин эклцәр мә икәр йовхд, зәрм ставной шўўгўлмўд 300-400 центнер кўргдж анънад, комбинат зәрм ѳдрмўдт 3-4 минъгън центнер загъс загъсчирас авад бәәв.

Каспийск района загъсчир эн кў-др ноолданд ик диилвр бәрцхәв. За-гъс аньилгъна хаврин болзгт рай-он ѳрәл джилиннь зураг 166 про-цент кўцәв. 43 ставной шўўгўлин звеногъас 38 звенонь джилә зура-гъан давулдж кўцәв.

Района колхозмудас «Каспиец» колхоз ѳрәл джилиннь зураг 177 процент кўцәгъәд, тўрўн орм эзлв. Эн колхозин звенъевой, нертә за-гъсч Кудайберген Аубекеров 5 джи-лә зура кўцәв. Гурвагъад джилә зура А. Д. Карповин, А. Умбета-лиевин, П. Г. Зубковин, К. Хай-рлиевин звенос кўцәв.

Эн кўндтә боли чинртә тѳрт, га-рсн газрури нўўдж ирсн улс шун-мгъагъар орлцв. Тегәд, эн хаврин болзгт 250 хальмг загъсчир загъс анъисн, зәрмнь сән диилврмўд бәрв. «Каспиец» колхозд ставной шўў-гўлин звено толгъалсн Бембән Ул-мдж джилә зурагъан 226 процент кўцәв.

Загъсчир кергтә тоотарн бичә дутгха, бичә тўртхә гигъәд, теткл-тднь ик онъг ѳггдәд, райпон 2 ла-вк, Ләдрхнә тенъгсин секции 2 ла-вк, 6-ч заводин искарнъта лавк эд-ниг теткджәв.

Дакад болхла цәәлгъврин кѳдл-мш сәәнәр кегдв. Загъс аньилгъ-на болзгт загъсчирт 520 кўўидвр, 1340 дакдж журнал боли газет, 93 лекц боли докладс умшгдв. За-гъсчирт боли заводин кѳдлмшчирт 4 кино боли 19 нәр-наадн ўзўлгдв. Терўн дееринь 113 радиоприемник бо-ли 81 библиотеке, медпункте загъ-счирин тѳлә бәәв.

Ода мана района загъсчирин ѳмн намрар загъс анъилгънд белдвр кех ик тѳр бәәнә. Ори-нутгтан орулдж ѳгх 33 минъгън центнер загъсиг эдн анъих зѳвтә. Тер тѳ-ләд 4 сейнер, 93 реюшкс, тенъг-син 53 бударкс боли 4 мотофемогс белдгдхмн. Джилин тўрўн ѳрәлд бә-рсн диилврән батлад, намрар загъс анъилгънд белдврән сәәнәр кегъәд, даалгъврән загъсчир кўцәхнь лав-тә.